

10. maj 2022

UPA 2022/75

Inatsisartut aalajangiiffigisassaattut siunnersuut, Naalakkersuisut peqquneqassasut suleqatigiissitamik pilersitsissasut Kalaallit Nunaanni filmiliortartut silarsuaata qanoq nukittorsarsinnaaneranut innersuussuteqartussanik. Naalakkersuisut sapinngisaq tamaat suleqatigiissitami attuumassuteqartut peqataatissavaat. Siunnersuutit UPA 2023-mi saqqummiunneqassapput.

(Inatsisartunut ilaasortaq Nivi Olsen, Demokraatit)

Inatsisartunut Ilaasortaq Nivi Olsenip Demokraatineersup aalajangiiffigisassatut siunnersuutaanut Siumumiit ima oqaaseqaateqassaagut.

Nalungisatsitut nunatsinni aammalumi nunarsuarmi filmiliornikkut ineriartorneq aamma nunatsinniit malinnaaffigineqarpoq. Tassanilu ineriartornerup takussutissatut ilagaat nunatta isiginnaartitsinermik ineriartoqataanera malunnartumik siuariangaatsiarneranut. Meeqqat, inuusuttut, inersimasut eqeersimaartut malunnaqisumik ukiuni makkunani nalaattaqattaarpavut. Takusartakkatta ilagaattaaq soorlu DR 1-p dokumentaariliaanni Historien om Grønland og Danmark-imi. Aallakaatitami takuneqarsinnaasoq nunatta oqaluttuarisaanerani qanoq inuit atornerqartut amerlatigisut nunatsinniit inuussutissarsiutigalugu aamma kajumissutsiminnik peqataasut qanoq amerlatigisut.

Uani aalajangiiffigisassattut siunnersuummi Siumumit maliginiarparput Naalakkersuisut akissuttaanni ima akissuseqaat allasimasoq, issuaavunga: “Taamaakkaluartoq ilisimatitsissutigineqarsinnaavoq, filmiliornermik ingerlataqarneq eqqumiitsulioriaatsinut allanut naligiissinneqassasoq aammalu tapiissutit qanoq agguarneqassanersut Eqqumiitsuliornermut Aningaasaateqarfiup siulersuisuinit aalajangerneqartassasoq”. Tassanilu taaneqareersunut eqqaavaat. Uanittaaq maluginiarparput Naalakkersuisut akissuteqaatsiminnik ima Rigsfællesskabpuljen Norddok II-mik tassa ilanngussaqaarsimasut, issuaaneq aallartippoq: “Kalaallit Nunaanni Savalimmiunilu filmiliornermut piginnaasanik suleqatigiinnilu pilersitsineq anguniarlugu piffissami uani 2022-2024-mut Kalaallit Nunaanni, Savalimmiuni Danmarkimilu piviusulersaarutininut tapiissutinut atugassanngorlugit Det Danske Filminstitut 2021-mit aningaasanut inatsisitigut 27,1 mio. Kr.-nik aningaasaliiffigineqarpoq. Aammattaaq filmiliornermik ingerlaneqartut sulianut ilinniarnissamullu tapiissutinik qinnuteqarsinnaanerminnut periarfissaqarnerulersimapput” issuaaneq naavoq.



Saniatigullu naalackersuisut eqqaavaat 2022-mi ukiakkut kulturi pillugu isumasioqatigiittoqarumaartoq, tassanilu isumasioqatigiinnermi suleqatigiissitamut ilimagaat pingaaruteqartumik immersuissasoq.

Taamatut oqaaseqarluta naalackersuisut taamatut isikkoqartillugu siunnersuut akuerineqarnissanut oqariartuutaat Siumumit taperserlugu oqaatigissavarput.

Dines Mikaelen, Siumut